

ՍՈՎԵՏՈՒԿԱՆ ՀԱՅՍՏԱՆԻ 40-ԱՄՅԱԿԻՆ

Լ. Պ. Ղափքչյանյան

ԷՋԵՐ ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆԻ ՊԱՏՄՈՒԹՅՈՒՆՆԻՑ
(1921—1930)

Հայ ժողովուրդը պատրաստվում է Սովետական Միության մյուս ժողովուրդների հետ միասին լայնորեն նշելու իր բազմադարյան պատմության ամենախոշոր իրադարձության՝ Հայաստանում Սովետական կարգերի հաստատման 40-ամյակը:

Սովետական իշխանության տարիներին երբեմնի հետամնաց Հայաստանը՝ ռուսական կայսրության խուլ ծայրամասերից մեկը՝ դարձել է ժամանակակից արդյունաբերության և առաջավոր գյուղատնտեսության երկիր, որի արտադրանքի բազմաթիվ տեսակները հայտնի են ոչ միայն Սովետական Միության մեջ, այլև նրա սահմաններից շատ ու շատ հեռու:

Այս տարիներին հայ ժողովուրդը աննախընթաց հաջողություններ է ձեռք բերել նաև գիտության ու կուլտուրայի բոլոր բնագավառներում: Ռեսպուբլիկայում կուլտուրական ուղղության իրադրություն, ժողովրդական տնտեսության շատ ճյուղերի համար բարձրորակ կադրեր պատրաստելու գործում խոշոր ներդրում ունի Սովետական Հայաստանի առաջին բարձրագույն դպրոցը՝ Նրեանի Պետական համալսարանը: Սակայն մինչև այժմ մենք հրապարակի վրա չունենք քիչ թե շատ հանգամանակից ուսումնասիրություն՝ Սովետական Հայաստանում բարձրագույն կրթության, հատկապես համալսարանական կրթության հիմնադրման և զարգացման մասին: Այս հոդվածում մենք մեր առջև խնդիր ենք դրել արխիվային փաստաթղթերի, գրականության մեջ եղած առանձին տեղեկությունների, ժամանակի մամուլում հրապարակված մի շարք նյութերի հիման վրա ցույց տալ (սրբան հնարավորություն է տալիս հոդվածը) այն խոշոր աշխատանքը, որ կատարվել է Սովետական իշխանության առաջին տասնամյակում՝ Հայաստանում համալսարանական կրթության հիմնադրման ու ծավալման և Նրեանի Պետական համալսարանը ժողովրդական տնտեսության տարրեր ճյուղերի համար մասնագիտական կադրերի պատրաստման խնդրանքը զարմնելու ուղղությամբ:

Համալսարանի առաջին տասնամյակի գործունեությունը ինչպես հարկն է չի ուսումնասիրվել և նրա աշխատանքը քիչ թե շատ ամփոփող որևէ աշխատություն կամ հոդված չի տպագրվել: Հրապարակի վրա կա միայն համալսարանի նախկին ղեկավար, քիմիկոս-բակտերիոլոգ պրոֆ. Հ. Գ. Հովհաննիսյանի «ՀՍՍՀ պետական համալսարանը» հոդվածը, որտեղ հետաքրքիր տեղեկություններ կան համալսարանի գործունեության առաջին հինգ տարիների վերաբերյալ, որը տպագրվել է 1927 թվականին համալսարանի «Գիտական տեղեկագրի» № 2—3-ում¹: Մենք հոդվածը այդ բացը մասամբ լրացնելու մի համեստ փորձ է:

¹ Համալսարանի հետագա տարիների աշխատանքի մասին, նրա հիմնադրման 20-րդ տարեդարձի առթիվ 1941 թ. հրատարակվել է համալսարանի նախկին ղեկավար Գ. Ի. Պետ-Տեղեկագիր - 2

* * *

Հայկական համալսարան ստեղծելու հարցը, սկսած XIX դարի երկրորդ կեսից, միշտ էլ հետաքրքրել է հայ առաջավոր ինտելիգենցիային: Միֆայել Նալբանդյանը օրինակ, ճիշտ է հիմնականում դնում էր լայն ժողովրդական կրթության հարցը, նրանում մասնագիտացման տարր մտցնելով, սակայն նրա մոտ որոշակի ակնարկներ կան նաև հայրենի համալսարան կամ ակադեմիա ստեղծելու անհրաժեշտության մասին:

Դեռևս իր ուսանողական տարիներին դրած «Ասարան» բանաստեղծության մեջ, որը նվիրված է Մոսկվայի համալսարանին Մ. Նալբանդյանը համալսարանը համարում է այն «ընտիր տեղը, ուր արմատ կարձակե գիտության ծառը»²:

«Մեր ազգին,— դրում է Նալբանդյանը,— ուսման և լուսավորության հետքից (այսինքն հանրակրթական դպրոցից հետո — Լ. Ղ.) հարկավոր է տալ և կանոնավոր տնտեսական, գյուղական և վաճառականական գիտությունը, որպեսզի հաստատ հիմքերի վերա կանգնի նորա թև երկրագործությունը և թև վաճառականությունը»³: XIX դարի 60—70-ական թվականներին հայ երիտասարդության համալսարանական կրթության հարցը քննարկման առարկա է դառնում հայկական մամուլում: Նախառնույցի տեսքով շրջանում, հատկապես 1910—1916 թթ. հայկական ակադեմիա կամ հայոց համալսարան հիմնադրելու անհրաժեշտությունը բաղմիցս դրել ու հիմնավորել են հայ հասարակական-քաղաքական մտքի և կուլտուրայի մի շարք ականավոր ներկայացուցիչներ: Հովհաննես Թումանյանը նշում էր, որ անհրաժեշտ է ստեղծել հայկական համալսարան՝ որպես երիտասարդությանը մայրենի լեզվով բարձրագույն կրթություն տալու և հայ գիտնականներին համախմբելու օջախ⁴:

«Մենք համարձակ կերպով կարող ենք պնդել, որ մեր երկրին (Անդրկովկասին—Լ. Ղ.) ամենից առաջ հարկավոր է համալսարան»⁵,—1910 թ. դրում էր ականավոր ռեյտինգիստ Սուրեն Սուլանդարյանը: Հայ ժողովրդի, նրա վաղուցյան դավանների բոլոր երազանքները, այդ թվում նաև երիտասարդությանը մայրենի լեզվով բարձրագույն կրթություն տալու համար ուսումնական օջախներ բացելու երկարամյա իղծերը հնարավոր եղավ իրականացնել միայն սովետական կարգերում:

1920 թվականի դեկտեմբերին, երբ չէր հասցվել նույնիսկ սովետականի դեմ հայ ժողովրդի բազմաթիվ վերքերին, Հայաստանի Սովետական կա-

րոսյանի, «երեանի պետական համալսարանը» վերնագրով բրոշյուր, որտեղ շատ կարևոր տվյալներ կան համալսարանի մասին, սակայն նյութի մեծությամբ և բրոշյուրի փոքր ծավալը (37 էջ) հնարավորություն չեն տվել հեղինակին կանգ առնել համալսարանի առաջին տասնամյակում կատարած աշխատանքների վրա: Համալսարանի 25-ամյակի առնչությամբ «Սովետական Հայաստան» ամսագրում «Պանծալի հորելյանը» վերնագրով հոդված է դրել նաև համալսարանի նախկին ռեկտոր Հ. Ք. Բունիաթյանը, որը նույնպես համալսարանի առաջին շրջանի գործունեություն վրա կանգ չի առել:

² Մ. Նալբանդյան, Երկերի լիակատար ժողովածու, հատ. 1-ին, Երևան, 1915, էջ 60:

³ Նույն տեղում, էջ 461:

⁴ Տես «Թումանյանը քննադատ», Երևան, 1939, էջ 418—419:

⁵ Ս. Սուլանդարյան, «Հոգիվածներ, նամակներ, փաստաթղթեր», Երևան, 1939, էջ 191:

ուսումնարանները հիմնադրեց Երևանի ժողովրդական համալսարանը, Սովետական Հայաստանի առաջին բարձրագույն ուսումնական հաստատությունը⁶։

Երևանի ժողովրդական համալսարանի հիմնադրումը բացառիկ կարևոր երևույթ էր հայ ժողովրդի կյանքում։ Այն ժողովրդի և նրա լուսավորության նկատմամբ Կոմունիստական սլաշտիայի և Սովետական կառավարության ցուցաբերած մեծագույն հոգատարության առաջին արտահայտություններից մեկն էր։

Ծանր ու դժվարին ժամանակ հիմնադրվեց Հայկական սովետական համալսարանը։ Իրավացի էր պրոֆ. Ստ. Ղամբարյանը, որը համալսարանի անսլաշտիական պրոֆեսորների անունից Հայաստանի խորհուրդների 4-րդ համագումարում ունեցած իր ելույթում ասաց. «Հայաստանի համալսարանը հիմնվեց այն ժամանակ, երբ դրա համար միջոցներ չկային, դուք վերջին կոպեկները ավելցիք համալսարանին, երբ ամեն մի կոպեկը թանկ էր... հայոց պատմությունը դա երբեք չի կարող մոռանալ»⁷։

Այդ ջերմ հոգատարության համար, նույն համագումարում ուսանողության անունից շնորհակալության խոսք է ասում համալսարանի ուսանող Գ. Մուշեղյանը⁸ (այժմ Բժշկական ինստիտուտի ֆիզիոլոգիայի ամբիոնի վարիչ)։

Հայաստանի տնտեսական վիճակն այնքան ծանր էր, որ այդ պայմաններում համալսարան ստեղծելը շատերը շոգույթով էին համարում։ Այդ մարդկանց պատասխանեց Ալ. Մյասնիկյանը Հայաստանի խորհուրդների 1-ին համագումարում տված իր ղեկուցման մեջ, հայտարարելով թե «Պուլի «ժողովրդի ձայն»-ը ասում է. Անհատականալի են Հայաստանի կառավարության շոգույթությունները... երբ երկիրը քաղցած է, իր թե մենք սնանկ լինելով լուսավորության վրա միլիարդներ ենք ծախսում»⁹։

Հայկական համալսարանի հիմնադրումը մեծ ոգևորությամբ ընդունվեց թե երկրի ներսում և թե նրա սահմաններից դուրս։ Փարիզի հայ համալսարանական միության վարչությունը գրում է.

«Անբացատրելի հաճույքով մըն է, որ կզրենք ձեզի մեր այս անդրանիկ նամակը։ Դուք անհնարին պայմաններում մեջ, հազար ու մեկ դժվարություններով ղեմ պայքարելով, Հայաստանի սրտին մեջ իսկ ստեղծեցիք հայկական մշակույթի բարձրագույն վառարանը, Արարատի հովանիին տակ վերականգնելով մեր բազմադարյան քաղաքակրթությունը։ Փարիզի հայ համալսարանական միությունս... իր սրտագին ողջույնները կուղարկե Հայաստանի համալսարանին, անոր պրոֆեսորներուն և ուսանողներուն»¹⁰։

Համալսարանի բացման հանդեսը տեղի ունեցավ 1921 թվականի հունվարի 23-ին, կիրակի օրը, Ստ. Շահումյանի անվան բանվորական տան դահլիճում (այժմյան Երաժշտական կոմերսիայի թատրոնի շենքում)։ Երևանի ժողովրդական համալսարանի հիմնադրման հանդիսավոր նիստում բացման ճառով հանդես եկավ համալսարանի առաջին ուսկուր, ականավոր պատմաբան Հա-

⁶ Տես «ՀՍՍՀ ղեկրիտներ և հրամանների ժողովածու», պրակ. 1, էջմիածին. 1921, էջ 17—18 և 34—35։

⁷ «ՀՍՍՀ խորհուրդների 4-րդ համագումար», Երևան. 1926, էջ 192։

⁸ Նույն տեղում, էջ 194։

⁹ ՀՍՍՀ Բ. Գ. և Կարմիր բանակայինների խորհուրդների առաջին համագումար, Երևան, 1922, էջ 20։

¹⁰ «Նոր ուսանող» (համալսարանի ուսանողական խորհրդի օրդան), Երևան, 1924, էջ 66։

կոր Մանանդյանը ¹¹ (1873—1952)՝ ժողովրդական համալսարանի ղերին ու խնդիրներին նվիրված ճառով հանդես է գալիս ՀՍՍՌ առաջին լուսավորչական հոգևորականությանը. ՀԿ(Բ)Կ Կենտրոնական Կոմիտեի կողմից համալսարանի բացումը ողջունում է Վահան Երևմյանը, արհեստակցական միությունների լիարժեք կողմից՝ Հայկ Կոմիտեյանը, Կարմիր Բանակի քաղաքական բաժնի կողմից՝ Կալայանը:

Շնորհակալություն հայտնելով այդ ողջունների առթիվ, ունենալով շահույթ Մանանդյանը նշում է, որ հայկական բարձրագույն դպրոց է եղել բարձր ուսումնականությանը. հայ մտավորականությունը գործել ու աշխատել է Երևանի սահմաններից դուրս, որ այժմ նա պետք է վերագրվի Հայաստան՝ տառապած աշխատավորության դիտական պետքերին ծառայելու: «Ժողովրդական համալսարանի ուսումնական կոլեգիան, — ասում է նա, — լայն բացում է այս կրթության դոմենը դիտական ձեռնարկների առջև և հույս ունի, որ ուսանողության հետ միասին, ընդհանուր ջանքերով, կկարողանա շինել ու շնորհակալ Հայաստանի այս բարձր ու միակ ուսումնականը»¹²: Հենց հանդիսավոր բացման օրը էլ տեղի է ունենում առաջին պարապմունքը: «Նորհրդային իրավունքը և Հայաստանի ժողովրդական համալսարանը» թեմայով դասախոսություն է կարդում սոցիալական դիտությունների ֆակուլտետի դասախոս Գրիգոր Զուրաբյանը (այժմ համալսարանի իրավաբանական ֆակուլտետի դոցենտ): Համալսարանը տեղավորվում է նախկին ուսուցչական սեմինարիայի երկհարկանի սև տուֆաշեն շենքում¹³: Նորմալ պարապմունքներն սկսվում են 1921 թվականի հունվարի 25-ին:

Այսպիսով, Երևանի համալսարանը Հայաստանում Սովետական իշխանության հաստատման արդյունք է, սովետական կարգերի ծնունդ: Ավելորդ չէ նշել, որ դաշնակները Հայաստանում իրենց տխրահռչակ իշխանության վերջին փորձում համալսարան հիմնելու մի անհաջող փորձ արեցին: 1920 թվականի հունվարի 31-ին նրանք մեծ աղմուկով Ալեքսանդրապոլում կատարեցին իրենց «համալսարանի» բացման արարողությունը՝ դաշնակցական կառավարության անդամների և օտարերկրյա ղեկավարությունների ներկայացուցիչների մասնակցությամբ: Ժամանակի թերթերը՝ հատկապես դաշնակցության կենտրոնական օրդան «Հառաջը» այդ մասին բիշ չեն գրել: Սովետական մամուլը տարբեր առիթներով մերկացրել է դաշնակների՝ այդ մեծ աղմուկով բացված, բայց իրականում դիտա-մանկավարժական ոչ մի գործունեություն չունեցող ու արժեք չներկայացնող «համալսարանը» Երևանի Պետական համալսարանի նախորդը համարելու լուրը փորձերը: Դաշնակների «համալսարան» հիմնելու այդ ձախողված փորձի մասին խոսել է ՀՍՍՌ Լուսավորության ժողովում Ասրանաղ Մուսայանը, Լուսավորչական 5 տարվա գործունեության վերաբերյալ հաշվե-

¹¹ Հ. Մանանդյանին համալսարանի դիտական խորհուրդը ունենալով 1921 թ. հունվարի ակդրին: Համալսարանի բացմանը արտասանած նրա ճառը չի պահպանվել: «Կոմունիստ» (հայերեն) թերթի 1921 թ. հունվարի 26-ի համարում համալսարանի բացման հանդիսավոր նիստի մասին հաղորդման մեջ փոքրիկ մեջբերում կա Հ. Մանանդյանի եզրափակման խոսքից:

¹² Տես «Կոմունիստ» (հայերեն) 1921, 26 հունվարի, № 39:

¹³ Համալսարանի հին շենքը (Արուսյան 104) կառուցվել է 1903—1912 թթ. ուսուցչական սեմինարիայի համար ճարտ. Ն. Բուռնիսյանի նախագծով կառուցվել է նրա 3-րդ հարկը (1933 թ.) և աջ թևը, որտեղ այժմ տեղափոխված է մեծ դահլիճը (1939 թ.):

տվության մեջ, որը տպագրվել է 1925 թվականին և վերահրատարակվել 1958 թ. ՀՍՍՌ Գիտ. ակադեմիայի Տնտեսագիտության ինստիտուտի կողմից, մտնելով «Восстановление народного хозяйства Армянской ССР» փաստաթղթերի ժողովածուի մեջ:

Այդ զեկուցման մեջ Ա. Մուսվաթյանը ցույց է տալիս, թե իրենից ինչ էր ներկայացնում դաշնակների հիմնած «համալսարանը»: «Դասախոսների թիվը սոսկ 2¹/₂ դույզ էր, որոնց մեջ մի դույզ եպիսկոպոս և մի նախկին վանական,— ասում է Ա. Մուսվաթյանը,— ... համալսարանը քոչում է երևան, մտածելով, որ այստեղ իր գոյության համար ավելի բարենպաստ հող կգտնի, սակայն, ինչպես պարզվեց, հողը բարենպաստ էր միայն դասախոսների համար: Նրանք պետական գրամոխ ձեռք են բերում գումակ, որով շրջագայում էին գյուղերը և ձմռան համար մթերքներ գնում, իսկ ուսանողությունը ստիպում էր, նրան միայն հաշվառման էին ենթարկում և ցուցակներում գրանցում»¹⁴: Պետական համալսարանի պարտիական Գումիտեի և Արհկոմի օրդան «Հարվածային ուսանող» թերթը 1935 թ. № 34-ում տպագրելով Վ. Պարսամյանի «Դաշնակցական համալսարանը» խորագրով հոդվածը, նշում էր, որ «դա ավելի շուտ մի խրտվիլակ էր, քան համալսարան»¹⁵:

Ակնհայտ է դաշնակների այն պնդման անհեթեթությունը, թե իբր մենք անտեսում ենք հիշյալ իրողությունը¹⁶: Բայց մի բան է համալսարան ստեղծելու մասին թմրկահարելը և այլ բան է իրականում այն ստեղծելը: Փաստերը անառակելիորեն վկայում են այն մասին, որ դաշնակների ստեղծած «համալսարանը» ըստ էության չի գործել: «Համալսարանը» գտնվել է Ալեքսանդրոպոլում, իսկ նրա ղեկավարներն ապրել են Թիֆլիսում: «Համալսարանը» չի հրատարակել ոչ մի զիբք կամ ձեռնարկ, չի կատարել ուսումնական կամ գիտական որևէ գործ: Իզուր չէ, որ արտասահմանյան որոշ թերթեր այդ «համալսարանը» բնութագրում են որպես շատ արագ մոռացված, «չծաղկած ու արդեն չորացած վարժարան»¹⁷:

Սովետական հայկական նորաստեղծ համալսարանը իր համար հավաքագրեց դասախոսական նոր կազմ, նոր ուսանողություն, իր առաջ դրեց բոլորովին այլ նպատակներ ու խնդիրներ: Նա սկսեց ծառայել երիտասարդության կոմունիստական դաստիարակության գործին, նոր սոցիալիստական մասնավորներ պատրաստելու գործին և չէր կարող լինել ժառանգր այդ խղճով «մոռվարանի», որին դաշնակները սնանկարժեքությամբ «համալսարան» էին կոչել:

1920 թվականի դեկտեմբերի 28-ին Լուսժողկոմատը հաստատեց Երևանի ժողովրդական համալսարանի ժամանակավոր կանոնադրությունը¹⁸:

Ստանդարտության համալսարանի նպատակն ու անելիքը՝ բաժնի առաջին հոդվածում շեշտվում էր, որ «Երևանի ժողովրդական համալսարանը բան-

¹⁴ ՀՍՍՌ պետական արխիվ, ֆ. 40/113, ց. 3, գ. 331, թթ. 59—73, կամ «Восстановление народного хозяйства Армянской ССР» (Материалы и документы за 1921—1928 гг.), Изд. АН АрмССР, Ереван, 1958, стр. 479.

¹⁵ Տես «Հարվածային ուսանող», 1933, 29 նոյեմբերի, № 34:

¹⁶ Այդպես է գրում առանձնապես Բոստոնում հրատարակվող «Հայրենիք» ամսագիրը:

¹⁷ «Պայքար նոր տարւոյ բացառիկ», Բոստոն, 1933, էջ 170:

¹⁸ Տես «Դեկտեմբերի և հրամանների ժողովածու», պրակ 1-ին, էջ 11-րդին, 1921, էջ 35—39:

վորա-գյուղացիական ազատ գալրոց է, որը մասսաների սեփականություն է դարձնում բնական ու սոցիալական դիտություններն ու նրանց ուսումնասիրության մեթոդները, նպաստելով կյանքի դիտակցական վերաշինությանը, կոմունիստական աշխարհայացքի հիմունքներով»¹⁹:

Համալսարանի անդրանիկ կանոնադրության ուսումնասիրությունը ցույց է տալիս, որ այն մշակելիս լուրջ կերպով հաշվի է առնվել Սովետական Ռուսաստանի փորձը, պարտիայի կողմից 1917—20 թվականների ընթացքում Ռուսաստանի բարձրագույն դպրոցների գործունեությունը վերակառուցելու և բարելավելու ուղղությամբ ձեռնարկած միջոցառումները, Վ. Ի. Լենինի ցուցումները:

Ինչպես հայտնի է, Հոկտեմբերյան սոցիալիստական Մեծ ռոյալուցիայից հետո բարձրագույն դպրոցի վերակառուցման առաջնահերթ խնդիրն այն էր, որպեսզի բուհերի ղեկավարները լայնորեն բացվեն բանվորա-գյուղացիական Լրիստասարգության առաջ, և դասախոսական աշխատանքի ներգրավվելին Սովետական իշխանությանը աջակցող ծառայելու պատրաստակամություն ունեցող դասախոսներ: Դրանք լուրջ խնդիրներ էին: Բուրժուական ինտելիգենցիայի ոչ մի խումբ այնպիսի համառ և երկարատև դիմադրություն ցույց չի տվել Սովետական իշխանությանը և նրա միջոցառումներին, ինչպես բուրժուական պրոֆեսուրան: Բոլոր այն միջոցառումները, որոնք Սովետական կառավարության օրգանները անց էին կացնում բարձրագույն դպրոցների վերակառուցման ուղղությամբ, հանդիպում էին բուրժուական պրոֆեսուրայի մեծամասնության ավիաներին: Բուհերում ուսանողության կազմը պրոլետարացնելու համար՝ Վ. Ի. Լենինը 1918 թ. օգոստոսի 2-ին, հակառակ ոեակցիոն պրոֆեսուրայի դիմադրությանը, ղեկը ստորագրեց բուհերի ընդունելության կարգի մասին: Այդ նույն օրը Ժողովուրդի ընդունել էր Վ. Ի. Լենինի զրած որոշումը՝ «ՌԽՖՍՌ բուհերը ընդունվելու կանոնների մասին»²⁰: Այդ Երկու փաստաթղթերի հիման վրա հիմնովին փոխվեց ընդունելության կարգը Ռուսաստանի բուհերում:

Վ. Ի. Լենինը Լուսժովկոմատից պահանջում էր, որ ընդունելության ժամանակ խստորեն պահպանվի դասակարգային սկզբունքը: «Ունենոր դասակարգերի համար ոչ միայն իրավաբանական, այլև փաստական ոչ մի արտոնություն չի, — ասում էր Լենինը, — առաջին տեղը անպայման պետք է ընդունվեն պրոլետարիատի և շրավորագույն գյուղացիության միջավայրից ելած անձինք, որոնց լայն շախմատ թողնեն կտրամադրվեն»²¹:

ՍՄԿՊ 8-րդ համագումարի կողմից ընդունած պարտիայի ծրագրի մեջ ասվում էր. «...9. Բոլոր սովորել ցանկացողների և առաջին հերթին բանվորների համար լայնորեն մատչելի դարձնել բարձրագույն դպրոցի լսարանները: Բարձրագույն դպրոցում դասառուական գործունեության ներգրավել թույլ չեղանց ուժեր կարող են այնտեղ սովորեցնել: Վերացնել թարմ դիտական ուժերի և ամբիոնի միջև եղած բոլոր և ամեն տեսակի արհեստական արգելքները, նյութապես ապահովել սովորողներին՝ պրոլետարներին ու գյուղացիներին բարձրագույն դպրոցից օգտվելու փաստական հնարավորություն տալու նպատակով»²²:

¹⁹ Նույն տեղում, էջ 35:

²⁰ СУ [Собрание узаконений и распоряжений рабочего и крестьянского правительства], 1918, № 57, ст. 632.

²¹ Վ. Ի. Լենին, Երկեր, հատոր 28, էջ 42:

²² ՍՄԿՊ-ն բանաձևերում, 1-ին մաս, Երևան, 1954, էջ 531—532:

Նկատի ունենալով, որ ունեորենքի երեխաները մինչև ուսուցիչի սիստեմատիկ կրթության հնարավորություններ էին ունեցել և քննությունների ժամանակ նրանք կարող էին առավելություն ունենալ գնահատականներով, վերացվեցին ընդունելության քննությունները: 16 տարին լրացած բոլոր քաղաքացիները իրավունք ստացան առանց քննության, նույնիսկ առանց միջնակարգ դպրոցի ավարտականի, ընդունվել Ռուսաստանի բարձրագույն ուսումնական հաստատությունները:

Վերացվեցին կանանց համար բուհեր ընդունվելու բոլոր արգելքները: Այդ գեղերե տղերքները վերացրեց նաև ուսման վարձը:

Բուհերի դեմոկրատացման համար խոշոր դեր խաղաց ժողովուրդի 1921 թ. սեպտեմբերի 2-ի գեղերե տղերք ընդունված «Բարձրագույն դպրոցի կանոնադրությունը», որի համաձայն վերացվեցին ամբիոնները և դրանց ֆունկցիաները տրվեցին առարկայական հանձնաժողովներին:

Երևանի ժողովրդական համալսարանը, հաշվի առնելով ՌՍՖՍՌ-ում բարձրագույն կրթության կազմակերպման այս փորձը, աշխատավոր երիտասարդությանը համալսարան ընդունելու համար լայն հնարավորություններ ստեղծեց: Համալսարանի 1920 թվականի դեկտեմբերի 28-ի ժամանակավոր կանոնադրության 10-րդ կետում նշված է, որ համալսարան ընդունվում են 16 տարին լրացած անձինք՝ առանց քննության և «առաջին հերթին ընդունվում են բանվորներն ու չքավոր գյուղացիները և ապա մյուս քաղաքացիները»²³:

Առանց քննությունների համալսարան ընդունելը, ընդունվողների համար լրիվ միջնակարգ կրթության ոչ պարտադիր լինելը և այն հանգամանքը, որ պատերազմի համալսարանում սկսվում էին երեկոյան ժամերին (ժամը 4-ից մինչև երեկոյան 10-ը), աշխատավոր երիտասարդությանը համալսարանական կրթություն ստանալու համար բարենպաստ պայմաններ էին ստեղծում:

1921—22 ուսումնական տարում համալսարանի ուսանողության 50%-ը 20—25 տարեկան էր, իսկ 25,5%-ը՝ 25-ից բարձր տարիքի²⁴:

Բանվոր և գյուղացի երիտասարդությանը բարձրագույն դպրոց ընդունվելու արտոնություններ սահմանելը բավական չէր: Անհրաժեշտ էր ուսանողության համար ստեղծել նաև սովորելու նյութական պայմաններ ու հնարավորություններ, որպեսզի նրանք կարողանային իրենց ամբողջովին նվիրել ուսմանը: Վ. Ի. Լենինը պրոլետարական ուսանողությանը նյութապես ապահովելու հիմնական ձևը համարում էր պետության կողմից տրվելիք թոշակը:

Ձնայած երկրում գոյություն ունեցող սուղ պայմաններին, Հայաստանի կառավարությունը 1922 թվականի փետրվարի 8-ին Ալ. Մյասնիկյանի ստորագրությամբ գեղերե տղերք հրատարակում Երևանի համալսարանի ուսանողներին ժողովուրդի հատուկ ֆոնդից 50 թոշակ հաստատելու մասին: Ըստ այդ գեղերե տղերք համալսարանի ուսանողը, բացի սովետական աշխատողների համար սահմանված միևրարժեքից, ստանում էր նաև 15 ռուբլի (ոսկով)²⁵:

Հի(բ)Կ Կենտկոմի 1925 թ. ապրիլի 3-ի «Բուհերի ուսանողների նյութական ապահովման մասին» որոշմամբ ուսանողներին տրվում են նաև մի շարք արտոնություններ՝ կոմունալ ծախսերը զիջվում են 50 տոկոսով, թատրոնների ու

²³ «Դեկրետների և հրամանների ժողովածու», 1-ին պրակ, էջ 17-18, 1921, էջ 36:

²⁴ Պետական համալսարանի արխիվ, գործ № 11, թ. 5:

²⁵ «Սոցիալիստական Հայաստան», 1922, 19 փետրվարի, № 41 կամ «Դեկրետների և որոշումների հավաքածու», 1922, Երևան, էջ 17—18:

կինոների տոմսավճարը՝ 50% -ով, Պետհրատի հրատարակությունները ուսանողներին տրվում են 40%՝ զեղչով²⁶ և այլն:

Վերը նշված հանգամանքները ցույց են տալիս, որ Երևանի նորարաց ժողովրդական համալսարանը ամեն ջանք գործ էր դնում կենսագործելու բուհերը ուլորիտարացնելու, աշխատավորական երիտասարդության ուսման համար առհրաժեշտ պայմաններ ստեղծելու վերաբերյալ պարտիայի դիրեկտիվները: Պրա շնորհիվ արագորեն աճում է համալսարանի ուսանողության թիվը, բարելավվում նրա սոցիալական կազմը: Եթե 1921-22 ուս. տարում համալսարանն ուներ ընդամենը 255 ուսանող, ապա հաջորդ ուսումնական տարում այդ թիվը հասնում է 463-ի, մի տարի հետո՝ 938-ի, 1925/26 ուսումնական տարում 1161-ի, իսկ 1929/1930 ուս. տարում արդեն 1316-ի²⁷: Առաջին ուսումնական տարում ուսանողության մեջ բանվորներ և գյուղացիներ համարյա չկային՝ 120 հոգի ծառայողներ էին, 79-ը արհեստավորներ, մինչդեռ 1922/23 ուսումնական տարում արդեն 463 ուսանողներից բանվորներ էին 20-ը, գյուղացիներ 201-ը²⁸, իսկ 1929/30 ուսումնական տարում 175-ը բանվորներ ու բանվորների երեխաներ էին²⁹:

Համալսարանը իր բացման ժամանակ ուներ երկու ֆակուլտետ՝ հասարակագիտական (սոցիոլոգիական) և բնագիտական: Սրանք այն ֆակուլտետներն էին, որոնց բաղադրի վրա հետագայում կազմակերպվեցին համալսարանի մյուս ֆակուլտետները:

Համալսարանի կառուցվածքը շատ անգամ է փոփոխությունների ենթարկվել, ըստ որում հաշվի է առվել, թե ժողովրդական տնտեսության, տեխնիկայի, գիտության, կուլտուրայի զարգացումը տվյալ էտապում ինչպիսի մասնագետների կարիք ունի, ինչպիսի պահանջ է ներկայացնում համալսարանին:

1921 թ. փետրվարի կեսերից, Հայաստանում սկսված քաղաքացիական կռիվների, դաշնակցականների փետրվարյան ավանտյուրայի կապակցությամբ, համալսարանը ժամանակավորապես փակվում է: Չնայած ապրիլի 2-ին դաշնակները դուրս են շարժվում Երևանից, բայց մինչև հոկտեմբեր ամիսը համալսարանը հնարավորություն չի ունենում նորմալ կերպով վերսկսելու իր աշխատանքները:

1921 թ. հոկտեմբերին ժողկոմխորհի որոշմամբ վերաբացվում է համալսարանը:

Սոցիալիստական շինարարությունը՝ արդյունաբերության, գյուղատնտեսության վերականգնման, ժողովրդական կրթության գործի արմատական բարելավման հարցերը նոր խնդիրներ էին դնում Հայաստանի միակ բարձրագույն ուսուցիչ համալսարանի առաջ:

«Համալսարանը, — գրում է Ա. Ա. Մյասնիկյանը, — այն հնոցն է ու լավորատորիան, որից կենսատու ճառագայթներ են ցրվում դեպի ծայրերը: Գիրն ու ընթերցանությունը տարածելու համար պետք են լուսավոր գլուխներ, որ կտան համալսարանը: Հողի մշակությունը պահանջում է դաշտաղետներ, որոնց ստեղծելու է դարձյալ համալսարանը: Արդյունագործությունն ու արհեստը չեն կարող բարգավաճել առանց ճարտարապետի, որին նույնպես պատրաստելու է

²⁶ Տես ՄԼԻ-ի հայկական ֆիլիալի արխիվ, ֆ. 116/2, գործ № 1, թ. 14:

²⁷ Պետակոն համալսարանի արխիվ, գործ № 11, 13, 23, 33:

²⁸ «Նորհրդային Հայաստան», 1924, 23 մարտի, № 68:

²⁹ Համալսարանի արխիվ, գործ № 33, թ. 9:

Համալսարանը: Ընդհանուր կուլտուրայի զարկերակը բանելու է շարունակ ու անընդհատ, եթե առողջ սլահվի սիրտը: Համալսարանը այդ սիրտն է»³⁰:

1921 թ. հոկտեմբերին համալսարանը վերաբացվում է արդեն ոչ թե երկու, այլ 5 ֆակուլտետներով՝ բնագիտական, որը շուտով վեր է ածվում գյուղատնտեսական ֆակուլտետի. նրա ղեկան է նշանակվում հայ առաջին ագրոքիմիկոս-միկրոբիոլոգներից մեկը՝ Պապա Բեջանի Քալսեթարյանը (1887—1942), տեխնիկական ֆակուլտետ (սկզբում ղեկան էր Դավիթ Զավրյանը, ապա ինժեներ Գրիգոր Շիրմազանյանը), արևելագիտական, որը շուտով վեր է ածվում սլատմագրական ֆակուլտետի, ղեկավարում էր ականավոր սլատմարան Հակոբ Մանանդյանը, ապա նշանավոր գրականագետ-լեզվաբան Մանուկ Արեգյանը (1865—1944), խորհրդային շինարարության՝ ղեկան էր Գևորգ Ղարաջանը (Արևմտեղ-1861—1936), ապա գրականագետ Յուլիա Խանզադյանը (1886—1935), մանկավարժական՝ ղեկան էր մանկավարժ-հոգեբան Գուրգեն Մեսրոպի էդիլյանը (1885—1942):

1922 թվականի մարտի 15-ից բժշկական դպրոցը միացվում է համալսարանին և բացվում է նաև բժշկական ֆակուլտետ, որի ղեկան է նշանակվում Իվան Սպանդարյան Կամսարականը: 1923 թվականի հունվարին ստեղծվում է համալսարանի բանվորական ֆակուլտետը, որի ղեկան է նշանակվում Հայկ Աղաջյանը (այժմ Հայկական ՍՍՌ ԳԱ թղթակից անդամ), տեղակալ բանասեր-տնտեսագետ Թադևոս Ավդալբեգյանը (1885—1942): Բանֆակը մեծ դեր խաղաց համալսարանը պրոլետարացնելու և նրա ուսանողության սոցիալական կազմը բարելավելու տեսակետից:

Համալսարանի համար խոշոր նշանակություն է ունենում Հայկական ԽՍՀ ժողովրդական 1923 թ. հոկտեմբերի 20-ի որոշումը՝ Երևանի ժողովրդական համալսարանը «Պետական համալսարան» վերանվանելու մասին³¹: Դա, անշուշտ, սոսկ անվանափոխություն չէր: Այդ որոշումը նպատակ ուներ համալսարանը դուսել միության մյուս համալսարանների շարքը, բարձրացնել նրա տեսակարար կշիռը մեր կյանքում, ավելի ճշգրտորեն որոշել նրա խնդիրներն ու պարտականությունները: Որպեսզի ավելի պարզ լինեն համալսարանի կառուցվածքի և նրա ֆակուլտետների փոփոխություններն ու անվանափոխությունները 1920-ից 1930 թվականների ընթացքում, կազմել ենք 27 էջում զետեղված սխեման:

* * *

Հայաստանում համալսարանական կրթության հիմնադրման, ընդլայնման և զարգացման գործում խոշոր ավանդ է մուծել հայ մտավորականության այն մասը, որը երկրում սովետական կարգերի հաստատման առաջին իսկ օրից կանգնեց նրա կողմը և իր ուժերը նվիրաբերեց հարազատ ժողովրդի կրթության գործին:

Համալսարանի հիմնադրման ժամանակ և նրա գործունեության առաջին շրջանում ամենալուրջ դժվարությունը համապատասխան դասախոսական կադրերով ապահովելն էր:

1920 թ. դեկտեմբերի 28-ին Լուսժողկոմատը հաստատեց համալսարանի հաստիչները և դասախոսական կազմը: Համալսարանին տրվեց 20 պրոֆեսորի

³⁰ Ա. Մյասնիկյան, «Մոսկովյան հայաստանի ուղին», 1923, էջ 45—47:

³¹ ՀՍՍՌ Պետ. արխիվ. ֆ. 40/113 ց. 3, դ. 191, թ. 33:

30 դասախոսի և 7 լեզուների դասատուների հաստիք³²։ Համապատասխան կադրերի պակասի պատճառով, 57 միավորի դիմաց Լուսժողովուրդ մատր կարողացավ հաստատել միայն 23 հոգու։

Հասարակագիտական ֆակուլտետի դասախոսներ հաստատվեցին պատմաբան Հակոբ Մանանդյանը, դրականագետ-լեզվաբան Մանուկ Աբեղյանը, պրականագետ Արսեն Տերտերյանը, լեզվաբան Գրիգոր Ղափանցյանը, ճարտարապետ-պատմաբան Թորոս Թորամանյանը, մանկավարժ-հոգեբան Գուրգեն Էղիշյանը, իրավաբան Գրիգոր Զուրարյանը, տնտեսագետ Գրիգոր Մելիք-Ալավերդյանը (ԳԱ տնտեսագիտական ինստիտուտի նախկին աշխատակից, այժմ թողնական), բնագիտական ֆակուլտետի դասախոսներ նշանակվեցին Ալեքսանդր Հակոբյանը (այժմ Հայկական ՍՍՏ ԳԱ ակադեմիկոս), Կենսաբան Ավետիք Տեր-Պողոսյանը, քիմիկոս Ստեփան Ղամբարյանը և ուրիշներ։

Նոր ֆակուլտետների բացման առնչությամբ ավելի սուր է դրացվում դասախոսական կադրերի պակասը։ Համալսարանի ղեկավարությունը և Լուսժողովուրդը դրադվում են Մոսկվայից, Բաքվից, Թբիլիսիից, ինչպես նաև արտասահմանից նոր դասախոսներ հրավիրելու գործով։ Ընդհանուր է, մինչև սովետական կարգերի հաստատումն էլ կային բավականաչափ բարձր որակավորում ունեցող հայ մասնագետներ, որոնք սակայն հնարավորություն չէին ունեցել աշխատելու իրենց հայրենիքում։ 1921—1930 թվականների ընթացքում համալսարան են հրավիրվում այն հիմնական ուժերը, որոնք իրենց ուսերի վրա տարան համալսարանական կրթությունը կազմակերպելու ամբողջ ծանրությունը։ Սրանց պատրաստած կադրերը հետագայում աշխատանքի անցան համալսարանում։

1921 թվականի ընթացքում համալսարանում աշխատանքի անցան ագրոքիմիկոս-միկրոբիոլոգ Պապա Քալանթարյանը (նա գիտական խորհրդի կողմից 1921 թ. հունվարին ընտրվում է պրոֆեսոր), ֆիզիկոս Հարություն Զեբոտարյանը (Անժուր), պատմաբան Աշոտ Հովհաննիսյանը (այն ժամանակ լուսժողովում էր), տնտեսագետ Հայկ Աղաաբյանը (այն ժամանակ ՀԱՄԽ-ի նախագահ էր), ֆիզիոլոգ Տիգրան Մուշեղյանը³³, բանասեր-տնտեսագետ Թադևոս Ավագաբեկյանը, մանկավարժ Արշավիր Շափարյանը (այժմ Հայկական մանկավարժական ինստիտուտի պրոֆեսոր), ֆիզիկոս Հովհաննես Նավակատիկյանը, մաթեմատիկոս Արշակ Տոնյանը, արևելագետ Գեորգ Ասատուրը, հնագետ Աշխարհ-բեկ Քալանթարը և ուրիշներ։

1922 թվականին աշխատանքի է հրավիրվում այդպիսի ղեկավար մասնագետ Գեորգ Գրձելյանը (այժմ ՀՍՍՏ դյուպատնտեսության մինիստրության գիտության պրոպագանդայի վարչության աշխատակից)։ Բժշկական ֆակուլտետի բացման կապակցությամբ համալսարանում աշխատանքի անցան Բ. Վահան Արժրունին, Բ. Արշակ Հակոբյանը³⁴ (այժմ Բժշկական ինստիտուտի ամբիոնի

³² Տես «Դեկրետների և հրամանների ժողովածու», տրակ 1-ին, 1921, էջ 16-ին, էջ 34։


³³ Տիգրան Մուշեղյանը (1886—1933) այն ժամանակ հիմնականում աշխատում էր ՀՍՍՏ Լուսժողովուրդում, սոցիալազգիտարի պաշտոնում և միաժամանակ դասախոսում էր համալսարանում։ Նա հանդիսացել է կենդանիների ֆիզիոլոգիայի առաջին դասախոսը և լաբորատորիայի հիմնադիրը։ Տ. Մուշեղյանը 1933—1935 թթ. աշխատել է որպես համալսարանի ուսուցիչ։

³⁴ Գրոֆ. Ա. Հ. Հակոբյանը հանդիսանում է համալսարանում մարդու ֆիզիոլոգիայի լաբորատորիայի հիմնադիրը (1922 թ.)։

վարիչ, պրոֆեսոր), բժ. Գրիգոր Արեշյանը, որը մինչև 1930 թվականը եղել է դասախոս և միաժամանակ համալսարանի տնտեսական դժուկ պրոֆեսորը:

1922 թվականի վերափոխումից մինչև համալսարանի վերակառուցումը՝ 1930 թվականը, որպես ռեկտոր լեզմանավոր աշխատանք է կատարել քիմիկոս-բակալավրոլոգ Հակոբ Հովհաննիսյանը (1875—1942):

Համալսարանի վարչությունը (ռեկտորատը) 1922 թվականին սեպտեմբերի 1-ի իր նիստում որոշում է համալսարանում աշխատանքի հրավիրել անվանի լեզվաբան Հրաչյա Աճառյանին (որն այն ժամանակ աշխատում էր Թավ-



³⁵ Վարչությունը լուծում էր բնիկացիկ հարցեր: Համալսարանի բարձրագույն օրգանը Պրոֆեսորներ էր, որի կազմի մեջ մտնում էին դեկանները, 3 դասախոս, 3 ուսանող, 5 ներկայացուցիչ՝ պարտ. պրոֆ. կազմակերպություններից, Լուսժողկոմատից և այլ շահագրգիռված հիմնարկներից: Լուսժողկոմատի ներկայացուցիչը Պրոֆ. որոշումների նկատմամբ ուներ վետոյի իրավունք: Լուսժողկոմատի առաջին ներկայացուցիչը համալսարանի խորհրդում եղել է բանասեր կարո Մելիք-Օհանջանյանը:

րիզում), հայոց լեզվի ընդհանուր տեսություն, ֆրանսերեն ու պարսկերեն լեզուների դասընթացների կարգալու համար, ակադեմիկոս Ալ. Թամանյանին «Արևելքի գեղարվեստ» և Արշ. Մելիքյանին՝ ընդհ. պատմություն կարգալու համար³⁶։ Համալսարանի տեխնոլոգիական ֆակուլտետի շինարարական բաժինը ուժեղացնելու դործում առանձնապես մեծ դեր է խաղացել ակադեմիկոս Ալ. Թամանյանը։

Հայաստանից դուրս գտնվող հայ մասնագետներից շատ-շատերը, իմանալով հայկական համալսարանի բացման մասին, ձգտում էին վերադառնալ Հայաստան, աշխատել Երևանի ժողովրդական համալսարանում և իրենց ուժերը նվիրաբերել երիտասարդության կրթության ու դաստիարակության դործին։

Բժիշկ-վիրաճատ Համբարձում Քեչեկը, որն այդ ժամանակ ապրում էր Թրիլիսիում, իմանալով բժշկական ֆակուլտետի բացման մասին, գրականագետ Հ. Սուրխաթյանի միջոցով հայտնում է Հայաստանում աշխատելու իր մեծ ցանկությունը և բժշկական ֆակուլտետի դեկան Սպ. Կամսարականի հրավերով, 1923 թվականից աշխատանքի է անցնում համալսարանում, սկզբում որպես դասախոս, ապա որպես բժշկական ֆակուլտետի դեկան և վիրաբուժության ամբիոնի վարիչ³⁷։

Հրավիրվում են նաև քիմիկոս Լևոն Ռոտինյանը, մաթեմատիկոս Զերեթ Խոջանեթյանը և ուրիշներ։

1922/23 ուսումնական տարում համալսարանի դասախոսների թիվը հասավ 42-ի։

1923 թվականին համալսարանը աշխատանքի է հրավիրում մաթեմատիկական փիլիսոփայության լավագույն գիտակ Հայկ Գյուլի-Քեխյանին³⁸, բժ. Գրիգոր Մեղնիկյանին, բուսական Հովակիմ Բեղելյանին, աշխարհագետ Հայրապետ Հովհաննիսյանին, անասնապահության մասնագետ Խորեն Նրիցյանին, Միքայել Վարունցյանին (գծագրական երկրաչափություն), Պողոս Սոտնիկյանին (լատիներեն)։ 1924 թվականից համալսարանում աշխատանքի անցան բազմալստակ պատմաբան Լևոն (Առաքել Բաբախանյանը), պատմաբան Ստեփան Ներսիսյանը, գյուղատնտես-դաշտագետ Միքայել Թումանյանը, աշխարհագետ-մանկավարժ Ստեփան Լիսիցյանը, բժ. Լևոն Հովհաննիսյանը, բժ. Հայկանդուխտ Չախմախյանը, գրականագետ Սիմոն Հակոբյանը։ 1925 թվականից համալսարանում սկսում են աշխատել պատմաբան Վահան Ռշտունին (այժմ համալսարանի ամբիոնի վարիչ, դոկտոր-պրոֆեսոր), բժ. Արտաշես Մելիք-Աղամյանը, իսկ 1926 թվականից՝ երկրաբան Տիգրան Զրբաշյանը, մեխանիկայի մասնագետ Աշոտ Տեր-Մկրտչյանը, մանկավարժ Մուշեղ Սանթրոսյանը (այժմ համալսարանի մանկավարժության ամբիոնի վարիչ), մանկաբույժ Հովնան Գարրիկյանը, Գուրգեն Քոչարյանը (լիճակագրություն), բժ. Ելենա Քալանթարյանը, իսկ 1927—1928 թթ. հրավիրվում են՝ Միքայել Ենդիբարյանը, Լևոն Արիսյանը, Արտո Նդիազարյանը, բժ. Բ. Ֆանարյանը, ժիրայր Միրզախանյանը, Նիկ. Տրոիցկին և ուրիշները։

³⁶ Պետական համալսարանի արխիվ, գ. № 250, էջ 5։

³⁷ Ն ու չ ն տ ե դ ու մ, էջ 14։

³⁸ Հայկ Գյուլի-Քեխյանին ՀԿ(Բ)Կ Կենտկոմը ուղարկում է համալսարան, որպես ուսումնական զծով պրոֆեսոր։ Նա այդ պոստում աշխատել է մինչև 1927 թվականը, այնուհետև ուսումնական զծով պրոֆեսոր է աշխատել Լևոն Արիսյանը (1927/28 ուս. տ.) ապա Արտո Նդիազարյանը (19 8-ից 1930 թթ.)։

1925 թվականին համալսարանը տվեց իր առաջին շրջանավարտները՝ Այդ շրջանավարտներից լուսագույնները աշխատանքի անցան համալսարանում որպես լաբորանտներ, ասիստենտներ և դասախոսներ։ Այսպես՝ շրջանավարտներից համալսարանում թողնվեցին Գ. Աղաջանյանը, Հովհ. Չալթիկյանը, Նշ. Մալաթյանը (1925), Գ. Մուշեղյանը (1926), Վ. Աղաթյանը, Լ. Հարությունյանը, Գ. Պետրոսյանը (1927), Ե. Հասարթյանը, Արգ. Հովհաննիսյանը, Հ. Գաբրիելյանը, Ար. Ղարիբյանը (1928) և շատ ուրիշներ։ Հետագայում դասախոսական կադրերի պատրաստման գործում մեծ դեր կատարեց 1928 թ. հիմնադրված համալսարանի ասպիրանտուրան։

Համալսարանի դասախոսական կադրի քանակական աճը 1921—1930 թթ. ներկայացնում է հետևյալ պատկերը³⁹։

Ուսումնական տարի	Դասախոսների թիվը	Ուսումնական տարի	Դասախոսների թիվը
1920/21. դեկտեմբեր	23	1925/26	104
1921/22	32	1927/28	116
1924/25	85	1929/30	138

Ինչպես տեսնում ենք, դասախոսական կադրը այդ տարիներին աճել է բավականաչափ արագ։

Բացի հիմնական դասախոսներից համալսարանում փոքրիկ կուրսեր, կարևոր թեմաների մասին առանձին դասախոսություններ կարդալու համար մասնագետներ էին հրավիրվում նաև Մոսկվայից, Բարվից, Թբիլիսիից։ Ի դեպ, 1924 թվականի ապրիլին համալսարանում դասախոսություն է կարդացել նաև Հայկական ՍՍԽ ԳԱ պրեզիդենտ, համալսարանի աստրոֆիզիկայի ամբիոնի վարիչ պրոֆեսոր Վիկտոր Համբարձումյանը, որն այն ժամանակ 15 տարեկան էր և, ինչպես նշում էր Թբիլիսիում հայերեն լեզվով հրատարակվող «Մարտակոչ» թերթը, «դեռ տակավին պատանի և արտաքուստ սովորական դպրոցական աշակերտ»։ «Մարտակոչ»-ը իր 1924 թ. ապրիլի 15-ի № 87-ում գրում է. «Փոքրիկ դիտնական աստղագետ Վիկտորը նոր է վերադարձել նրևտնից, ուր կարդացել է մեծ հաջողությամբ հինգ հրապարակական դասախոսություն, որոնցից մեկը համալսարանում էյնշտեյնի թեորիայի մասին։ Փոքրիկ գիտնականն ունի և գիտական աշխատություններ ու գյուտեր. նրա աշխատությունները («Արեգակի վրա բծերի մասին» և «Փոփոխվող աստղերի մասին») ընդունված են և հավանություն գտած Մոսկվայի մասնագետ գիտնականների կողմից»։

Մինչև 1925 թվականը համալսարանում պրոֆեսորի կոչում ունեցող ոչ մի դասախոս չի եղել։ Համալսարանի վարչության 1925 թ. դեկտեմբերի 12-ի որոշման հիման վրա Լուսժողովումատը տասը դասախոսների՝ Հակոբ Մանանդյանին, Հրաչյա Աճառյանին, Մանուկ Արեղյանին, Ստեփան Ղամբարյանին, Վահան Արծրունուն, Լևոն Ռոտինյանին, Համբարձում Քեչեկին, Հովակիմ Բեյլյանին, Հակոբ Հովհաննիսյանին, Բոգդան Գալստյանին — պրոֆեսորի կոչում է շնորհում, «նկատի ունենալով նրանց գիտական աշխատանքը և ինքնուրույն ամբիոն վարելը»⁴⁰։

³⁹ Պետական համալսարանի արխիվ, գործ №. 3, 10, 12։

⁴⁰ Ն ու յ ն տ ե ղ ու մ, գործ 254, էջ 72։

1928—1930 թթ. համալսարանի դասախոսներից պրոֆեսորի կոչում է շնորհվում նաև Պ. Քալանթարյանին, Գ. Արեշյանին, Լ. Հովհաննիսյանին, Ա. Մելիք-Աղամյանին, Ա. Տերտերյանին, Ավ. Տեր-Պողոսյանին, Ալ. Հակոբյանին, Ս. Հակոբյանին, Աշ. Քալանթարին, Ա. Տոնյանին, Խ. Նրիցյանին, Մ. Թումանյանին⁴¹։ 1930 թ. արդեն համալսարանում 20-ից ավելի պրոֆեսորներ էին աշխատում։ Համալսարանի գործունեության առաջին շրջանում աշխատող պրոֆեսորների ամենամեծ ծառայությունն այն էր, որ նրանք գիտական քրտնաջան աշխատանքով, գիտական կուրս, դասընթաց էին ստեղծում և ավանդում։

Համալսարանի նյութա-տնտեսական բազան սկզբնական շրջանում շատ նեղ էր։ Չկային լաբորատորիաներ, կաբինետներ, արհեստանոցներ, գործնական աշխատանքի համար անհրաժեշտ սարքավորում։ Չէին բավարարում լսարանները։ Բժշկական ֆակուլտետի հիմնադրումը ավելի մեծ դժվարություններ հարուցեց։ Անհրաժեշտ էին անատոմիկում, կլինիկաներ և այլն։

Կարճ ժամանակից հետո փոխվում է համալսարանի վարչությունը ոչ միայն հաջողությամբ զբաղվում է համալսարանի դասախոսական կադմր ուժեղացնելու, նոր մասնագետներ հրավիրելու հարցով, այլև Հայաստանի կառավարության և ժողտնտխոհհի օգնությամբ, գործնական պարապմունքներ անցկացնելու համար, համալսարանին կից հիմնում է աշխատանոցներ ու լաբորատորիաներ։ 1922 թվականին կազմակերպվում է անալիտիկ քիմիայի, ֆիզիկայի, ֆիզիոլոգիայի, անատոմիայի, հանքարանախոն և այլ աշխատանոցներ, մեխանիկական արհեստանոց և այլն⁴²։

1924 թվականի օգոստոսին ժամանելով Սովետական Հայաստան, Ա. Լուսաշարսկին այցելում է նաև համալսարան։ Այդ մասին նա իր «Երեք օր Խորհրդային Հայաստանում» հոդվածում գրում է. «Անձամբ ծանոթանալով այդ համալսարանին, Էս այժմ եկա այն համոզման, որ անուղյաման անհրաժեշտ է ամեն կերպ օգնություն ցույց տալ այդ փոքրիկ հանրապետությանը, որպեսպի բարձրագույն կրթության այդ ջահը, որը պետք է քաղաքակրթության կենտրոնը դառնա հայ լեզվին տիրապետող բոլոր մարդկանց համար, ոչ թե մարի, այլ ավելի ու ավելի լավ մասով»⁴³։

Աներդհատ բնդլայնվում է համալսարանի նյութա-տեխնիկական բազան, ծավալվում է շինարարությունը։ Ուսումնական պրոցեսի կազմակերպման համար անհրաժեշտ հնարավորությունները մեծանում են։

Սովետական կառավարությունը ջերմ հոգատարությամբ է շրջապատում համալսարանը, տարեցտարի ավելացվում է համալսարանին հատկացվող մի-

⁴¹ Ն ու յ ն տ ե ղ ու մ, գործ 261, էջ 81 և 1920—1930 թթ. հրամանագրեր, էջ 135։

⁴² Այդ լաբորատորիաներից ամեն մեկի բացումը խոշոր իրադարձություն էր։ 1922 թ. նոյեմբերի 8-ին սեղի է ունենում համալսարանի զբաղարանի, հնագիտական, բնապատմական թանգարանների, հիստալոգիայի, ֆիզիոլոգիայի և քիմիական լաբորատորիաների հանդիսավոր բացումը, որին ներկա էին ՆՍԽՀ կենտրոնական շահագահ Ս. Համարձումյանը, Առժողկոմ Ս. Լազարյանը, Հեր(ր)կ Նրեանի կոմիտեի քարտուղար Դր. Տեր-Սիմոնյանը, Հոգժողկոմ Ար. Նրզնկյանը և ուրիշներ (տես Խորհրդային Հայաստան, 1922, 14 նոյեմբերի, № 255)։

⁴³ «Խորհրդային Հայաստան», 1924, 19 սեդտեմբերի, № 215։



ԵՐԵՎԱՆԻ ՀԱՄԱԼՍԱՐԱՆԻ ՊԵՐՅԱՅՈՐՆԵՐԻ ՈՒ ԳՅԱՍԱԽԱՆՆԵՐԻ ՄԻ ԽՈՒՄԲ
(1928 ԹՎԱԿԱՆ)

(տպագրվում է առաջին անգամ)

1-ին շարք (ձախից-աջ). — Ստ. Թովչյան (Լուսաշիի նախագահ), պրոֆ. Մ. Արեղյան, Ա. Մոսովյան (Լուսաշիի անդամ), պրոֆ. Հակոբ Հովհաննիսյան (ոսկետոր), 2-րդ շարք. — Պրոֆ. Վ. Արծրունի, Հովհ. Նախկատիկյան (ֆիզիկոս), Արշ. Տոնյան (մաթեմատիկոս), Հակոբ Զարյան (պատմաբան), բժ. ֆ. Հակոբյան, 3-րդ շարք. — Ա. Տեր-Մկրտչյան, պրոֆ. Հ. Գյուլի-Քեֆյան, բժ. Ստ. Բաղդասարյան, Սիմ. Հակոբյան (գրականագետ), 4-րդ շարք. — պրոֆ. Անդր. Արզումանյան, Մ. Սանթրոցյան (մանկավարժ), Մ. Գալստյան (ֆիզ. բանկային իրավունք), Ս. Արզուման (գյուղատնտես), 5-րդ շարք. — Պ. Տեր-Պողոսյան (Լուսաշիի անդամ տնտեսական), Կ. Մելիք-Ոսկանյան (բանասեր), Հովհ. Ակունյան (բժիշկ), Հր. Գալստյան (իրավաբան), 6-րդ շարք. — Երվ. Ռոճամբյան (Արշակունյացի վարչության պետ), Ա. Մարտիրոսյան (ապրանքագետ), Երվ. Լալայան (ազգագրագետ), պրոֆ. Համբ. Քեչիկ, Ստ. Ներսիսյան (պատմաբան), 7-րդ շարք. — Աշխ. Քաջանթար (ննագետ), Գր. Չուրարյան (իրավաբան), Գր. Գրանյան (այդևորդ), պրոֆ. Հակոբ Մանանդյան, պրոֆ. Գր. Արեղյան (պրոֆեսոր), պրոֆ. Ստ. Ղափարյան (բժիշկ)

ընդհանուր Զամալսարանի բյուջեի աճը 1921—1930 թթ. հետևյալ պատկերն է ներկայացնում⁴⁴:

Ուսումնական տարի	Բյուջեով հատկացված գումարը (հազ. ուսում)	Ուսումնական տարի	Բյուջեով հատկացված գումարը (հազ. ուսում)
1920/21—22	Հաստատված բյուջեի ունեցելի Սոս 7500 ուս.	1925/26	286,216
1922/23	49,216	1926/27	419,552
1924/25	174,802	1929/30	1,202,538

Զամալսարանի հիմնադրման առաջին տարիներին ուսումնական աշխատանքը համարյա բացառապես տարվում էր դասախոսությունների միջոցով, որովհետև գործնական աշխատանքի հնարավորություններ չկային: Հետագայում լաբորատորիաների և կարիներների ստեղծումը հնարավորություն տվեց դասախոսություններին զուգընթաց կազմակերպելու նաև գործնական աշխատանքներ, սեմինար պարապմունքներ, ինչպես նաև էքսկուրսիաներ և այլն: Նոր մասնագետների հրավիրումը, եղած մասնագետներին համալսարանի հետ կապելը, նյութական բազայի ընդլայնումը հնարավորություն է տալիս լրջորեն բարելավել նաև համալսարանական կրթության բովանդակությունը: Եթե 1921/22 ուսումնական տարում համալսարանում ավանդում էին 27 առարկա, իսկ 1925/26 ուս. տարում արդեն բոլոր ֆակուլտետներում միասին վերցրած ավանդում էին 216 առարկա, 32,175 ժամով, որոնցից 9570 ժամը գործնական աշխատանքներ, ապա 1929/30 ուս. տարում արդեն համալսարանի բոլոր ֆակուլտետներում ու բաժիններում ավանդվում էին 787 առարկա⁴⁵. մոտ 98,000 ժամով որից 35,800-ը գործնական ու լաբորատոր աշխատանքներ էին⁴⁶:

* * *

Զամալսարանի հիմնադրման օրվանից նրա դասախոսների գործունեության մեջ լուրջ տեղ է գրավել գիտա-հետազոտական աշխատանքը: Մինչև Գիտությունների ակադեմիայի հիմնումը Հայաստանում գիտական մտքի հիմնական կենտրոնը եղել է համալսարանը: Այստեղ նշանակալից աշխատանք է կատարվել հայագիտության բնագավառում՝ հանձինս Հակոբ Մանանդյանի, Լեոյի, Մանուկ Աբեղյանի, Հրաչյա Աճառյանի, Գրիգոր Ղափանցյանի, Արսեն Տերտերյանի և ուրիշների:

Զամալսարանի գործունեության առաջին տարիներին ընթացքում դասախոսական կազմի լուրջ մտահոգության առարկաներից մեկը եղել է դասադրքերի-ձեռնարկների կազմումն ու հրատարակումը, հայերեն լեզվով գիտական տերմինոլոգիայի ստեղծումն ու բառարանների կազմումը:

⁴⁴ Տվյալները բերվում են ոստ «Նոր կադրեր» երկչափաթիվերի (խմբագիր՝ Արսեն Սարգսյան, 1929 թ.) և համալսարանի «Գիտական տեղեկագրի» № 2—3-ի:

⁴⁵ Հետագայում տեղի միջոցառումներ են ձեռնարկվում բազմառարկայությունը վերացնելու համար:

⁴⁶ 1921/22 և 1925/26 ուս. տարիների տվյալները բերված են ոստ Հ. Հովհաննիսյանի համալսարանի «Գիտ. տեղեկագրի» № 2—3-ում տպագրված հոդվածի, իսկ 1929/30 ուս. տարվանը՝ «Պետական համալսարանի տեղեկատու»-ի:

Ֆիզիկայի ու մաթեմատիկայի բնագավառում կարևոր աշխատանքներ են կատարել Ալեքսանդր Հակոբյանը, Հովհաննես Նավակատիկյանը, Արշակ Տոնյանը, Հարություն Անժուրը և ուրիշները: Սրանք մեծ ջանք են գործադրել գիտական տերմինոլոգիա մշակելու, դասագրքեր թարգմանելու, ինքնուրույն ձեռնարկներ ստեղծելու ուղղությամբ: Հենց առաջին ուսումնական տարվա ընթացքում (մինչև 1922 թվ. վերջը) համալսարանը հրատարակում է 84 մամուլ դասախոսություններ-ձեռնարկներ՝ Հ. Նավակատիկյանի «Հանրահաշիվ», «Վերլուծական երկրաչափություն» ձեռնարկները, Հ. Մանանդյանի «Հայաստանի սլատմությունը թուրք-թաթարական արշավանքների շրջանում», Ա. Տերտերյանի «Հայ նոր դրականությունը», Գ. Էդիսյանի «Աշխատանքի դպրոց», Վ. Արծրունու «Մարդակազմությունը», Ա. Տոնյանի թարգմանած «Եռանկյունաչափություն» ձեռնարկները⁴⁷ և այլն:

Համալսարանը մինչև 1930 թ. հրատարակել է Հ. Աճառյանի «Արմատական բառարան» մեծարժեք աշխատության 4 հատորները, Լեոյի «Հայոց սլատմություն» (նորագույն շրջանը), Մ. Արեղյանի «Ուղղագրության դեֆորմը», «Համառոտություն հայ ժողովրդական վեպի և սլատմության», Հ. Մանանդյանի «Դիտողություններ հին Հայաստանի շինականների դրության մասին մարդսանության շրջանում» և բազմաթիվ այլ աշխատություններ:

Բնագիտական ֆակուլտետների դասախոսներից այդ շրջանում լուրջ գիտական հետազոտություններ են կատարել Պասյա Քալանթարյանը (ագրոքիմիայի և միկրոբիոլոգիայի բնագավառում), Ավետիք Տեր-Պողոսյանը (կենսաբանական մտքի դարգացման սլատմության և քաղցրահամ ջրերի ֆաունայի ուսումնասիրության բնագավառում), Հովակիմ Բեդելյանը (բույսերի ֆիզիոլոգիայի դժով), Խորեն Երիցյանը, Միքայել Թումանյանը և ուրիշները: Քիմիայի բնագավառում մեծ վաստակ ունեն սլոֆեսորներ Ստեփան Ղամբարյանը, Լևոս Ռոտինյանը, Հակոբ Հովհաննիսյանը և ուրիշները:

Առաջին տարիներին արդեն անհրաժեշտություն է զգացվում հրատարակել մի դիտական հանդես: Հենց Պետական համալսարանի «Գիտական տեղեկագրի» առաջին համարը լույս է տեսել 1925 թվականին: Մինչև 1930 թ. լույս է տեսել «Գիտական տեղեկագրի» 6 համար, որտեղ համալսարանի դասախոսները տպագրել են բազմաթիվ դիտական աշխատություններ ու հոգվածներ:

Համալսարանում կատարվող դիտա-հետազոտական աշխատանքը ոչ միայն նպաստել է դիտության, կուլտուրայի հետազոտությանը, կամ օգնել ժողովրդական տնտեսության առաջընթացին, այլև լրջորեն նպաստել է սլոֆեսորա-դասախոսական կադրերի դիտական որակավորման բարձրացմանը, նրանց մասնագիտական գիտելիքների հարստացմանը, հետևապես և՛ ուսման որակի, և՛ կադրերի սլատրամադման բարելավմանը:

Համալսարանի սլոֆեսորա-դասախոսական կադրի և ուսանողության պրագարանային սլատարկումը իրականացրել է համալսարանի դիտական գրադարանը: Գիտական գրադարանը կազմակերպվել է համալսարանի հիմնադրման հետ միաժամանակ: Համալսարանի գրքային ժառանգություն չի ստացել: Անգամ ուսուցչական սեմինարիայի գրադարանից ոչինչ չէր մնացել: Համալսարանի գրադարանը սկզբնական շրջանում որպես սլոֆեր ստանում է կադարյան ձեմարանի, Գևորգյան ձեմարանի, Վ. Տերյանի, Ա. Մատուրյանի

⁴⁷ «Պորհրդային Հայաստան», 1922, 2 սեպտեմբերի, № 198 և 1923, 1 հունվարի, № 1:

և լրացման ժամանակ անձանց դրամային ֆոնդեր ու գրականություն⁴⁸, իսկ 1922/23 ուս. տարվանից գրականությունն ձևոր է բերվում պետական բյուջեով: Գրադարանի կազմակերպման ու կարգավորման ուղղությամբ այս շրջանում մեծ ջանքեր է թափել գրադարանապետ Գաբրիել Ռոտինյանը:

Ուսումնական-քաղաքական, պատերազմական ամբողջ աշխատանքի կազմակերպման ու ղեկավարման գործը հենց սկզբից իրականացնում է համալսարանի պարտիական կազմակերպությունը՝ կուսակցական բջիջը: Համալսարանի պարտիական կազմակերպությունը (կուսբջիջը) հիմնադրվել է 1921 թվականի փետրվարի 14-ին, կոմունիստ ուսանողների անդրանիկ ժողովում⁴⁹ (այն ժամանակ ղեկավարում համալսարանում կոմունիստ դասախոսներ չկային): Այդ ժողովում կոմունիստ ուսանողները մանրամասն քննարկում են կուսբջիջի ու ամեն մի կոմունիստի անկախությունը և հին բոլշևիկ Գառնիկ Ղազարյանին ընտրում են կուսբջիջի քարտուղար:

Հետագայում ստեղծվում է նաև դասախոսների կուսբջիջ: Դրանք 1924 թվականի մայիսի 17-ի որոշմամբ միավորվում են մեկ բջիջի մեջ⁵¹: Համալսարանի գործունեության ծավալման հետ միասին աճում են նաև նրա պարտիական ու կոմերիտական կազմակերպությունները: Եթե 1923/24 ուսումնական տարում համալսարանի պարտիական կազմակերպությունը ուներ պարտիայի 40 անդամ-թեկնածու, իսկ նոր միայն ստեղծված կոմերիտական կազմակերպությունը 42 հոգի, ապա 1929/30 ուս. տարում միայն ուսանողության մեջ պարտիայի անդամ թեկնածուների թիվը հասնում է 120-ի, իսկ կոմերիտականներինը՝ 352-ի⁵²: Համալսարանի պարտիական կազմակերպությունը հսկայական դեր է կատարել համալսարանի ամրապնդման, նրա գործունեության ծավալման, ուսումնա-դիտական աշխատանքների բարելավման և սրբֆեստրա-դասախոսական կազմի և ուսանողություն դասախոսականության գործում:

Մեր ուսումնասիրությունը հասցրել ենք մինչև 1930 թվականը, նկատի ունենալով, որ 1930 թվականին համալսարանը վերակառուցվեց և նրա ֆակուլտետների բաղադրյալը և ստեղծվեցին՝ Բժշկական, Գյուղատնտեսական, Պոլիտեխնիկական և Կոոպերատիվ-տնտեսագիտական ինստիտուտները, իսկ բուն համալսարանը վերածվեց Մանկավարժական ինստիտուտի:

Կառավարության որոշմամբ 1933 թվականին վերստեղծվեց համալսարանը, Մանկավարժական և Կոոպերատիվ-տնտեսագիտական ինստիտուտների բաղադրյալով:

* * *

Անցել են տարիներ: Համալսարանը աճել ու դարձել է ուսումնա-գիտական խոշոր հաստատություն 12 ֆակուլտետներով, որտեղ սովորում են 4500-ից ավելի ուսանողներ, 57 ամբիոններով, որտեղ աշխատում են 400-ից ավելի

⁴⁸ „Жизнь национальностей“, 1922, № 12, 15 июля, стр. 11.

⁴⁹ Համալսարանի պարտիական կազմակերպության առաջին ժողովի արձանագրությունը չի պահպանվել: Այդ ժողովի մասին հաղորդում է տպագրվել ՀԿՊ Կենտկոմի օրդան Վոմունիստ թերթի 1921 թ. փետրվարի 17 ի համարում:

⁵⁰ Գառնիկ Ղազարյանը ՍՄԿՊ անդամ 1913 թվականից: Այժմ ՀՍՍՌ գրողների միության անդամ է:

⁵¹ Տես ՄԼԽ-ի Հայկական ֆիլիալի արխիվ, ֆ. 116, գ. 2, թ. 2:

⁵² Պետական համալսարանի արխիվ, գործ. № 33, թ. 9:

պրոֆեսորներ ու դասախոսներ, որոնցից 18-ը ակադեմիկոսներ ու ակադեմիայի թղթակից անդամներ են, 50-ը՝ գիտության դոկտորներ ու պրոֆեսորներ, 213-ը՝ գիտության թեկնածուներ ու դոցենտներ են, որոնցից 253-ը՝ Երևանի համալսարանի սաներ են:

Այժմ համալսարանն ունի իր դիտա-հետազոտական սեկտորը 113,5 հաս-տիքային միավորներով, որն իր մեջ ընդգրկում է պոլիմերների ֆիզիկա-քիմիայի պրոբլեմային լաբորատորիան, էլեկտրոնային հաշվիչ և ղեկավարող մեքենաների, միջուկային ֆիզիկայի, կիսահաղորդիչների ֆիզիկայի պրոբլեմային լաբորատորիաները, երկրի արհեստական ուղեկիցների դիտման կայանը և այլն:

Իր գոյության ընթացքում համալսարանը պատրաստել է 939-ի մասնագետներ, որից 920 ֆիզիկոսներ ու մաթեմատիկոսներ, 717 քիմիկոսներ, 761 աստղաբաններ, 2235 բանասերներ, 813 իրավաբաններ, 1404 տնտեսագետներ, 780 կենսաբաններ, 480 աշխարհագետներ, 688 երկրաբաններ, 133 միջազգայնագետ-պատմաբաններ, 137 բժիշկներ, 279 գյուղատնտեսներ, 47 ինժեներ-ճարտարապետներ: Համալսարանի շրջանավարտներն աշխատում են ոչ միայն Հայաստանում, այլև միութենական այլ ուսպուբլիկաներում:

Այս թվերը ցույց են տալիս, թե համալսարանի շրջանավարտները ինչ կշիռ ու տեղ ունեն մեր ժողովրդական տնտեսության մեջ, գիտության, կուլտուրայի, ժողովրդական կրթության, պետական ու պարտիական աշխատանքի ամենաբազմապիսի բնագավառներում: Համալսարանը ոչ միայն հանդիսացավ այն արմատը, որից ճյուղավորվեցին մյուս ինստիտուտները, այլև հիմք ստեղծեց Հայաստանի Գիտությունների ակադեմիայի հիմնադրման համար և այժմ էլ ամեն տարի Գիտությունների ակադեմիայի ինստիտուտները համալրում է նորանոր գիտական աշխատակիցներով: 1938 թվականից սկսած Երևանի համալսարանում սկսել են պաշտպանել դոկտորական և թեկնածուական դիսերտացիաներ: Անցած տարիների ընթացքում համալսարանում դոկտորական դիսերտացիաներ են պաշտպանել 24 գիտական աշխատողներ, 406 հոգի պաշտպանել են թեկնածուական դիսերտացիաներ: ՍՍՌՄ Գերագույն Սովետի ընդունած՝ «կյանքի հետ զպրոցի կապն ամրապնդելու և երկրում ժողովրդական կրթության սիստեմի հետագա զարգացման մասին» օրենքը նոր հեռանկարներ է բացում մեր ուսպուբլիկայի ուսումնա-գիտական ամենախոշոր հաստատություն՝ Երևանի Պետական համալսարանի առաջ: